

Bosna i Hercegovina  
Federacija Bosne i Hercegovine  
FEDERALNO MINISTARSTVO  
OKOLIŠA I TURIZMA

Bosnia and Herzegovina  
Federation of Bosnia and Herzegovina  
FBiH MINISTRY OF  
ENVIRONMENT AND TOURISM

Broj: 05/2-19-5-636/25  
Datum: 03.10.2025. godine

Bosna i Hercegovina  
Federacija Bosne i Hercegovine  
Vlada Federacije Bosne i Hercegovine  
n/p Edita Kalajdžić, tajnik/sekretar Vlade Federacije BiH  
Sveza: Vaš broj: 05/1-02-426/25 od 01.09.2025. godine

Bosna i Hercegovina  
Federacija Bosne i Hercegovine  
Parlament Federacije BiH  
PREDSTAVNIČKI / ZASTUPNIČKI DOM  
n/p Ivan Miličević, tajnik  
Sveza: Vaš broj: 05/1-02-426/25 od 08.08.2025. godine

n/p Admir Čavalić  
Zastupnik u Predstavničkom domu Parlamenta Federacije BiH

Poštovani,

Admir Čavalić, zastupnik u Zastupničkom domu Parlamenta Federacije Bosne i Hercegovine, postavio je slijedeće zastupničko pitanje:

1. Da li je tačno da Deponija Desetine u Tuzli (naselje Moluhe) radi bez okolinske dozvole? Ako da, ko je odgovoran za navedeno?

S tim u vezi dostavljamo Vam sljedeće informacije iz naše nadležnosti:

2. Operater JKP „Komunalac“ d.d. Tuzla ne posjeduje okolinsku dozvolu, ali je ovom Ministarstvu dana 07.05.2025. godine podnesen Zahtjev za obnovu okolinske dozvole za postojeću deponiju komunalnog otpada Desetine do konačnog zatvaranja, tako da je operater u fazi ishodovanja iste. Istovremeno, deponija posjeduje Plan prilagođavanja broj: 05/2-02-19-5-155/23 od 04.09.2023. godine, izdat na osnovu člana 55. stav (14) Zakona o upravljanju otpadom („Službene novine Federacije BiH“, broj: 33/03 i 72/09) i članova 9., 10. i 11. Pravilnika o sadržaju plana prilagođavanja upravljanja otpadom za postojeća postrojenja za tretman ili odlaganje otpada i aktivnosti koje poduzima nadležni organ („Službene novine Federacije BiH“, broj: 9/05).

Prema odredbama Pravilnika o uvjetima za određivanje načina i uvjeta odlaganja otpada na deponije, uvjetima rada za deponije i načinu i uvjetima zatvaranja deponija („Službene novine Federacije BiH“, broj: 51/25), jasno je propisano da postojeće neuređene deponije, ukoliko planiraju nastavak aktivnosti odlaganja otpada, moraju izraditi plan prilagođavanja. Plan sadrži program s fazama mjera potrebnih da bi se deponija uskladila s minimalnim zahtjevima propisanim prilogima Pravilnika, a isti se dostavlja nadležnom kantonalnom ministarstvu u roku od 12 mjeseci od podnesene obavijesti. Plan prilagođavanja predstavlja posebno rješenje i prvu fazu u postupku zatvaranja postojećeg pogona ili postrojenja. Njegov glavni cilj je dovesti pogon u stanje da se

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 08-10-2025

| Org. jed. | Broj   | Priloga | Vrijednost |
|-----------|--------|---------|------------|
| 05/1      | - 02 - | 426     | /25        |

nesmetano može zatvoriti te da se anuliraju budući negativni utjecaji na okoliš. Plan uključuje hodogram sa aktivnostima, nadležnim subjektima, rokovima i procjenom troškova predviđenih mjera.

Nadalje, ukoliko operater ne posjeduje važeću okolinsku dozvolu, odnosno ukoliko inspektor nadležnih inspekcijskih organa utvrdi nepridržavanje propisa iz oblasti zaštite okoliša, isti su ovlašteni postupiti u skladu sa prema članu 133. stav (1) Zakona o zaštiti okoliša („Službene novine Federacije BiH broj: 15/21; u daljem tekstu Zakon) nadzor nad provođenjem odredbi ovog Zakona i propisa koji su doneseni na osnovu njega vrše inspektori Federalne uprave za inspekcijske poslove, kao i kantonalne uprave za inspekcijske poslove. To znači da su upravo ti inspektori odgovorni da provjere da li se poštuju pravila iz oblasti zaštite okoliša.

U slučaju da inspektor tokom nadzora utvrdi da je prekršen Zakon ili neki od propisa koji su doneseni na osnovu njega, član 140. stav (1) istog Zakona mu daje pravo i obavezu da odmah poduzme određene mjere. Te mjere mogu uključivati:

- a) rješenjem narediti mjere za njihovo otklanjanje i rok;
- b) izdati prekršajni nalog u skladu sa posebnim zakonom;
- c) donijeti rješenje o zabrani rada pogona i postrojenja, odnosno pravnog lica koje obavlja djelatnost, ukoliko utvrđene nepravilnosti nisu otklonjene u datom roku;
- d) podnijeti krivičnu prijavu nadležnom tijelu zbog krivičnog djela i
- e) poduzeti druge mjere i izvršiti druge radnje koje je ovlašten poduzeti i izvršiti na osnovu ovoga Zakona i/ili posebnog propisa.

Također, u skladu sa članom 142. Zakona, novčanom kaznom se može kazniti pravno lice (npr. firma) ukoliko ne pribavi okolinsku dozvolu, kako je to propisano u članovima 82. i 93. Zakona.

Iz navedenih odredbi Zakona, Federalni inspektor zaštite okoliša u skladu sa navedenim nadležnostima može izdati prekršajni nalog u slučaju da utvrdi da operater ne posjeduje okolinsku dozvolu. Također, inspektor će rješenjem odrediti rok za ishodovanje okolinske dozvole u skladu sa navedenim Zakonom kao i opće obaveze operatera u vezi zaštite okoliša kojih se operater mora pridržavati, a koje su propisane članom 84. Zakona o zaštiti okoliša u slučaju da operater nema okolinsku dozvolu. Na kraju, inspektor će donijeti rješenje o zabrani rada pogona i postrojenja, odnosno pravnog lica koja obavlja djelatnost, ukoliko utvrđene nepravilnosti nisu otklonjene u datom roku.

Shodno navedenom, odgovornost za pribavljanje okolinske dozvole i postupanje u skladu sa Planom prilagođavanja snosi pravno lice – operater deponije.

S poštovanjem,

Dostaviti:

- Naslovu X3,
- a/a

